



1217. B





Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 1217 4° (LN 627)







Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 1217 4° (LN 627)





Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 1217 4° (LN 627)



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 1217 4° (LN 627)



BOX

Nº 1217.



*M. J. J. J. J. J.*

= 2 N 627

M



1217.80





1217.80  
DE NATALI  
DOMINI AC SALVATORIS  
NOSTRI IESV CHRISTI,

Carmen, Iohannis Francisci Ri-  
pensis Dani, Dicatum Re-  
uerendo Collegio Ec-  
clesiæ Ripensis.

His adiecta est precatio Erasmi  
Seuerini Ripensis.

VVITEBERGÆ.

ANNO,

1553.

D. Iacobo seniori  
Indimochratori Rip-  
deno archi Johanne  
franciscus amicus  
ergo



IOHANNES GEORGIUS  
VIBERGIUS AD LEC-  
TOREM.

**M**agna fuit prisco reuerentia tempore Diuum,  
Quos hominum finxit uana superstitio.  
Gens uenerabatur Romanum martia Martem,  
Et Cererem coluit maxima turba suam.  
In mare iactati coluerunt numina Persæ  
Delidæo dantes aurea dona Deo.  
Pallas Athenarum doctarum fama perennis  
In summa semper religione fuit.  
Vos quibus eximia donant sua munera Musæ,  
Ad natum Christum corda leuare decet.  
Hac pietate nihil poterit contingere maius,  
Nam uero similes nos facit esse Deo.  
Felices nimium qui te pie Christe celebrant,  
Et quorum de te carmina Musa canit.  
Vera Dei soboles æterni patris imago  
Christe Palestina uirgine nate Deus:  
Qui potis es seuos stygiæ cohibeto furores,  
Ne quid prosternat pectora iusta mali.  
Sic tua turba tibi resonabit carmina sancta.  
Natalemq; tuum corda beata canent.

Reuerentem

*Sint hæc turba tibi carmina sancta diu*





1217.80  
REVERENDIS COLLEGII EC-  
CLESIAE RIPENSIS, CA.

nonicis, Dominis suis.

S. P. D.

**M**ens Aeterna Deus sapiens qui cuncta creavit,  
Condita conseruans & bonitate sua.  
Cum genus humanum periturum funditus esset,  
Quod spreuit summi dicta verenda Dei.  
Ipse tamen gnatum mirando foedere massam,  
Ex nostra uoluit iungere carne sibi.  
Perspicit haec quamuis nemo miracula, iussit  
Nos tamen ex aliqua parte referre Deus.  
Ergo ego natalem descripsi carmine Christi,  
Namque etiam infantum vult Deus ore coli.  
Ista licet nimium pingui sint scripta Minerva,  
Non tamen haec omni commoditate carent.  
Nobilis ac vanis reperitur Gemma lapillis,  
Atque cadus vinum nobile saepe tenet.  
In leuibus uideas sic forsitan munera cartis,  
Sed quae pauxillum commoditatis habent.  
Splendida pegasidum colitis qui castra sororum,  
Et quorum ingenio docta Minerva fauet:  
Haec mea non tristi capiatis munera uultu,  
Quae ueniunt subita praecipitata manu.

A iij In quibus



In quibus vt studium posco Iuvenile probetis,  
Cum pietas animo grata sit ista Deo.  
Vilia non prorsus contemnite, cum meliora  
Cœlesti Domino dona fauente feram,  
Iupiter exiguo placatur thure ministri  
Pauperis, ac facili percipit aure preces.  
Vos sic dona meæ nunc sumite paruula Musæ,  
Pro meritis uestris dum meliora dabit.  
Tunc famam uestram celebrabit nostra Camœna,  
Offeret & patriæ carmina plura meæ.

VALETE.





1217.98

CARMEN DE NATALIDOMI  
NI AC SALVATORIS

nostri Iesu Christi, Iohan-  
nis Francisci Ripensis  
Dani.

**S**alue sancta dies latis celebranda trophœis,  
Qua nobis Christus Virgine natus adest.  
Tempus adest sancti quod sperauere Prophetæ,  
Et quod sperarunt secula multa Patres.  
Dulcia nunc nato resonemus carmina Christo,  
Et pulset facilem musa diserta Lyræ.  
Nobis aoniæ faciles estote puellæ,  
Dum canimus summo carmina pauca Deo.  
Tuq; iuues nostros conatus optime Christe,  
Splendore irradians pectora nostra tuo.  
O pie Christe sacrum nobis immitte furorem,  
Atq; calore tuo pectora nostra fove.  
Sic te prognatum resonabunt carmina nostra,  
Crescat & in laudes pagina multa tuas.  
Cum uexata malis quondam fuit ipsa uetustas,  
Aduentum petijt cernere sæpe tuum,  
Primus Adam morsu serpentis læsus acerbo,  
Te saluatorem sciuit adesse suum.  
Ni superesset ei de te spes una salutis,  
Vt premeres sæuis fortiter ora lupi.  
Magnorum scelerum iacisset mole necatus,  
Esset & in barathri præcipitatus aquas.

A v Seth.



Seth pius incensus diuino numine, uerum  
Te fore Rectorem prædicat usq; pijs,  
Sanctus Enos recto sequitur nunc ordine patrem,  
Qui crebra Christum uoce professus erat.  
Istos quid referam quos Biblia sancta recensent,  
Cernere Rectorem qui cupière suum?  
Hac spe cœlorum summa uersantur in aula,  
Laudantes natum pectore & ore Deum.  
Nos itidem tota Messiam mente canamus,  
Fundentes summo carmina lata Deo.  
Carmina quæ cordis ueniunt ex motibus imis  
(Huic etenim labij murmura nulla placent)  
Quod tandem gnatum quem sperauere parentes  
Olim, de nitido miserit ille polo,  
Quem fore fatidici dixerunt sæpe Prophetæ,  
Victorem Satanæ, Christigenisq; ducem,  
Quem semper uarijs Ecclesia pressa periclis  
Inuocat, Aeternum credit & esse Deum,  
Quid nunc Tartareus faciet mortalibus Orcus,  
Qui Christum vera relligione timent?  
Inclitus aduenit nobis ab origine mundi,  
Promissus Patribus qui coluere Deum.  
Hic nos eripiet diri de faucibus Orbi,  
Horrida serpentis dum premit ora mali.  
Morre sua cunctos æterna morte leuauit,  
Exornat quorum pectora vera fides.  
Cunctaq; deuicit quæ sanctos lædere possunt,  
Hostibus iniiciens fortia frena suis.

Pro



Pro tantis meritis quas grates Christe feremus,  
 Et tibi quas laudes nostra thalia canet?  
 Qui modo conuexo placide descendis Olympo,  
 Humani generis Christe misertus ades.  
 Dum loca terreni perlustras infima mundi,  
 Pro nobis miseris tartara nigra subis.  
 Qui prius æterno mundum cum Patre creasti,  
 Ac animantia quæ terra creata tenet:  
 Nunc placuit fragilem nostram tibi sumere formam,  
 Ut fieres nostræ conditionis homo.  
 Atq; Palestina uoluisti uirgine nasci,  
 Hac quæ lessæo sanguine nata fuit.  
 Nam sic per vatem nobis hæc nuncia uerba  
 Exponit summi filius ipse Dei.  
 Paruulus é rutilo nobis mittetur olympo,  
 Aeterno & dabitur de genitore satus.  
 Huius erit nomen semper mirabile cunctis,  
 Quippe suum nomen de bonitate trahet.  
 Hic erit egregius uenturi temporis autor,  
 Imperium placida cum pietate ferens.  
 Davidis solium cunctos retinebit in annos,  
 Hoc etiam magna sedulitate reget.  
 Attamen hic magnus celsi regnator Olympi,  
 Gaudebit uili delituisse casa.  
 Ecce uaga libra non pendent uerba Prophetæ,  
 Nec canit ambiguo uerba Propheta sono.  
 Aduenire ducis gratissima tempora nati,  
 Quo nihil immensus fortius orbis habet.  
 Hic



Hic miseris uoluit notus pastoribus esse,  
 Pontificum temnens corda profana virum.  
 Nuncius en domini demissus ab æthere coeli,  
 Summo, collectis astitit agminibus.  
 Auricomo splendore greges circumdedit ipsos,  
 Fulgore ingenti circumeunte viros.  
 Hi consternati pauidos sensere timores,  
 Cordaq; suspensi plena timoris erant.  
 Angelus at Domini præclara voce profatur,  
 Et tales facili reddidit ore sonos.  
 O iuuenes menti trepidos auferte timores,  
 Vestraq; sollicito soluite corda metu.  
 \* Nunc etenim vobis annuntio gaudia magna,  
 Quæ non mortalis lingua sonare potest.  
 Inclitus æthereis puer est nunc missus ab astris,  
 Totius mundi qui mala facta luet.  
 Textilibus pannis uoluuntur membra tenella,  
 Et iacet in stabulo sub trucidis ora bouis.  
 Angelico iussu pastores tecta subintrant,  
 Ut Dominum uideant te pie Christe suum.  
 Mox uenit summi de claro culmine coeli,  
 Maxima sanctorum copia spirituum.  
 Copia quæ cecinit nato pia carmina Christo,  
 Pulsantes tali, plectra sonora, modo.  
 \* Gloria, Laus, & Honos tibi sit Deus optime, cuius  
 Fama stet ad cunctos non peritura dies.  
 Tu Deus omnipotens solus, iustissimus vnus,  
 Omnia sustentas pro bonitate tua.

Nullus



Nullus in hoc patulo mortalis cernitur orbe,  
 Non comperta cui sint benefacta tua.  
 Nam tu regali donasti munere cunctos,  
 Christigenas, quotquot munera tanta petunt.  
 Propterea meritas tibi laudes Christe feremus,  
 Cantemusq; tibi carmina ducta chely.  
 Numinibus fictis quales tribuuntur honores  
 Porcorum fuso sanguine, siue canum.  
 Talia distorto uenientia munera corde  
 Despicias, & minimè talia dona capis.  
 ✱ Nos tibi sincero fundemus pectore laudes,  
 Qui scimus quid sit te coluisse Deum.  
 Letitia tali complentur pectora nostra,  
 Qui cupimus sceptro Christe subesse tuo.  
 Nulla Sathan referet funesti præmia belli,  
 Inferet & nullis maria bella prijs.  
 Namq; potens torui fregisti colla draconis,  
 Quem nunc constrictum fortia uincla tenent.  
 Ne faciat rursus lethalia uulnera nobis,  
 Qui tibi coniuncti fœdere Christe sumus.  
 Hæc ô Christe tuo meruisti uulnere mortis,  
 His qui te Regem te Dominumq; colunt.  
 Sic ut ab horrifera sanatus uulnere mortis,  
 Quisq; petat nitidi cœlica regna Poli.  
 Hic aliud regnum longum quod duret in æuum  
 Incipies, summa Rector in arce Poli:  
 Fac nos participes cœlorum Christe benigne,  
 Qui puer egregio stemmate natus homo es.  
 B Tu genus



Tu genus & radix Davidis, Sanguine cretus  
Iesseo, nam sic biblia sacra ferunt.  
Candida tu rutili lux quæ micat æthere summo,  
Non secus ac claro Lucifer axe Poli.  
Tu fons es uitæ cunctis medicamina præbens,  
Sanctorum dulci flumine corda rigas.  
Es panis præbens uitæ esurientibus escam,  
Quo sine mortalis uiuere nemo potest.  
Iustitia es nostra, & sapientia, semita recta,  
Ad superas ædes qua gradiemur iter,  
Tu puer es solus uitæ defensor & autor,  
Temporibus cunctis pectora nostra regens.  
Nos igitur placido puer optime respice uultu,  
Quo puer in mundo sanctior esse nequit.  
Nam nos affectu colimus te pectoris imo,  
Et canimus laudes tempus in omne tuas.  
Pectora nostra precor semper pie Christe gubernas,  
Ut tua perpetuo dicere facta queant,  
Ut micat æthereo Phœbus Titanus axe,  
Et fulgent nitido lucida signa Polo.  
Iusticia Christi niteant sic corda piorum,  
Hiberna ut fiant splendidiora niue.  
Donec possideant regnum radiantis Olympi,  
Et liceat celsi templa uidere poli.  
Tunc æterna quies est incipienda piorum,  
Quæ, Christus Dominus regna parata tenet.  
Impius ac subito stygium transmissus in orcum,  
In Plegetonas dericietur aquas.  
Et pro



Et pro delitijs tunc tristitia multa subibit,  
 Et capiet rursus gaudia magna pius,  
 Tunc ô Christe tuam faciem sine fine uidebit,  
 Cernet & Angelici gaudia multa chori.  
 I nunc, sterne pios homines ô saue Tyranne,  
 In nos nunc frustra foeda uenena uome.  
 Erige nunc cristas draco dire, & lumine toruo  
 Aspice, post Christi sub pede uinctus eris.  
 Mors truculenta pios stygia uis perdere morte?  
 Ut te contineas ô scelerate decet,  
 Vah Papa coelesti Christum nunc deijce sede,  
 Hunc ne tuis bullis uis lacerare miser?  
 Hunc demum patrijs terris depellere tentas?  
 Atq; cruore tuas commaculare manus?  
 Scilicet aeterni Christus propago parentis,  
 Te minimo digito sternere rite potest.  
 Hic uirtute sua stygias descendit ad umbras,  
 Confringens ualida moenia athena manu.  
 Ut iaceant solido duri sine cardine postes,  
 Collisis portis munera digna tulit.  
 Nunc sedet in celsis summus regnator Olympo,  
 Ut teneat placida sceptrum beata manu.  
 Hostes ille potest uel solo uincere uerbo,  
 Horrida qui cupiunt bella mouere pijs.  
 Ipse suum semper potis est defendere coetum,  
 Saucia dum releuat uulnera morte sua.  
 O quanta inuadit pectus miratio nostrum,  
 Intueor summi cum benefacta Dei.

B ij Quid



Quid mirum nitidi stupuerunt agmina coeli,  
 Spirituum, nati facta stupenda Dei.  
 Hæc eadem semper mirata Puerpera casta est,  
 Quæ peperit uerum uirgo pudica Deum.  
 Pastores uiridi pascunt dum gramine campi,  
 Armentum, repetunt tot benefacta Dei.  
 Sic Simeon stupuit dum nato carmina Christo,  
 Cantans, Diuino pectore uerba sonat.  
 O dimitte tuum seruum nunc maxime rerum,  
 Conditor ut sacra tempora pacis agam.  
 Nam mea uiderunt promissum lumina Christum,  
 Quem nobis celso miseris ipse Polo.  
 Lumen ut æternum sit cunctis gentibus, atq;  
 Qui te sincero pectore & ore colunt.  
 Sed tibi quis dignas laudes feret optime Christe,  
 Quisue tuis meritis carmina digna canet?  
 Ergo meum carmen concludens Christe benigne,  
 Oro tuum serues ac tueare gregem.  
 Vt tibi cantemus sincero corde quotannis,  
 Laudes perpetuas, carmine, uoce, tubis.

Εὐτυχῶς, σὺν θεῷ.

Precatio





1217  
PRECATIO DE NATIVITATE  
CHRISTI, ERASMI SEVE.

rini Ripensis Dani.

O Deus omnipotens celsi regnator Olympi,  
Soli debetur Gloria summa tibi.  
Nos tibi perpetuas fundamus pectore grates,  
Cantantes meritis carmina digna tuis.  
Quod gnatum rutili nobis de culmine cœli,  
Miseris ut ferret crimina nostra tuum.  
Et nos peccati uictores, mortis & Orci  
Constituēt, faciens nos habitacula Dei,  
Iusticiam nobis reddat quam perdidit Adam,  
Impleat & flatu pectora nostra suo.  
Scilicet ille suo uelut omnes crimine perdit,  
Sic Christus uitam uulnere restituit.  
Posset at ut nostrum crimen detergere, partes  
Humanas ueri sumpsit imago Dei.  
Hunc ergo casta uoluisti uirgine nasci  
Passus es hunc nostra conditione frui.  
Post hæc tartareum descendit solus ad Orcum,  
Et fregit ualida uincula dura manu.  
Hinc uirtute sua superas remigravit ad ædes,  
Victoriæ referens iusta Trophæa suæ.  
Hic ubi pro nobis sua sancta precamina fundit,  
Atq; facit nostras pondus habere preces.

B iij Te petimus



Te petimus nunc Christe potens, æterna potestas,  
Qui potis es uitam reddere morte tuis.  
Redde tuis uitam qui te uenerantur, & optant,  
Teregem proprium, te Dominumq; colunt.  
Hos fac participes cœlorum Christe benigne,  
Qui cupiunt solum te coluisse Deum,  
Destrue tu barathri fœdissima monstra profundi,  
Vt nequeant aliqua parte nocere pijs.  
Et Papam tandem de celsa deijce sede,  
Vt discat quid sit bella mouere tibi.  
Sic tibi Christicolæ cantemus carmina cuncti,  
Psallentes summo canticalata Deo.  
Nam nisi tu cœtum conserues optime Christe,  
Hunc Sathanas falsa destruat arte, tuum.  
Si potuit Stygio prosternere Marte parentem,  
Olim qui nulla labe notatus erat.  
Nos magis heu fœdo, prosternet crimine læsos,  
Tu nisi seruator, tu nisi tutor eris.  
Esto igitur nostræ defensor Christe salutis,  
Fer populo auxilium Rex benedicte tuo.  
Eripe tu Sathanæ tristi de carcere cunctos,  
Qui cupiunt scepro subdere colla tuo.  
Sic tua perpetuo celebretur gloria Christe,  
Et dentur meritis carmina digna tuis.

FINIS.



1217.3

8

otestas,

prant,  
olunt.  
igne,


ofundi,  
ps.

ncti,

Christe,  
num.  
nem,

e laicos,

s,  
mo.





1217. Box  
Box





